

**Namminersornerullutik Oqartussat missingersuutaat pillugit Inatsisartut
inatsisisaattut siunnersuummut nassuaatit**

Nassuaatit nalinginnaasut

1.

Namminersornerullutik Oqartussat 1999-mi ukiunik 20-ngortorsiorlutik nalliuottorsiorput. Namminersornerunerup equnneqarneraniit ineriarornerup ilisarnaatigisimavaa immikkoortui amerlanerujartuinnartuni nammineerluni aqtsinerit annertusiartornerat. Tamakku nammineerluni aningaasarsiornikkut tulleriinnilersuinissamut periarfissat amerleriarnerinik kinguneqarsimapput. Peqatigitillugu aningaasarsiornikkut nammineq akisussaaneq namminersornerulluni ingerlanerup siunertaatut pingaaruteqarluinnartutut inissisimavoq.

Ukiut 20-it ingerlanerini akissaaffeqarfiiq aqutsiviillu annertusaavigineqarnerisa ilutigisaannik aningaasatigut missingersersuusiornerni periaatsit aaqqissuussaanissaat ataqtigiissaarluagaanissaallu pisariaqaleraluttuinnarsimavoq. Missingersersuusiornermi periaatsit aningaasarsiornikkut akissussaaffiup annertusiartortup nalaani atorsinnaassapput, tamatumunngalu peqatigitillugu aningaasaqarnikkut pisuussutit naalakkersuinikkut assiginnngitsunut sammititamik tulleriinnilersornissaanni aalajangerniarnernut isumannaatsunik tunngavissaqarnissamut qulakkeerutaasussaassallutik. Taakku saniatigut missingersersuusiornarnerni aningaasaliissuteqartarnernilu periuseq pisortat aningaasaataasa pitsaasumik aqunneqarnissaannut tapertaasassaqaq.

2.

Kisiannili oqaatigineqassaaq Namminersornerullutik Oqartussat aninngaasatigut ingerlanerata ukiuni arlalinni ilisarnaatigisimagaa ingerlatsinermi aningaasartuutit amerliartuinnarnerat, tamannalu Namminersornerullutik Oqartussat aningaasatigut ingerlatsinermi eqaatsumik ingerlatsisinnaanerigaluannut killiliisuuvoq peqatigitillugulu aningaasarsiornikkut iliuuseqarfiusinnaasunik killiliisuuulluni. Ingerlatsinermut aningaasartuutit taakku ilangaatsiarsuisa ilassutit aningaasaliissutinngorlugit ilanngunneqartarnerat ileqquleraluittuinnarsimavoq. Tamatumunga peqatigitillugu aningaasaliissutinut inatsisit paasissutissanik aaqqissuussinernut tun-ngasunik naalakkersuinikkut tamakkiisumik isiginninniarsinnaaneq eqqarsaatigalugu iluaqutaasussamik pisariillisarneqarsinnaasunik pitsanngorsarneqarsinnaasunillu imaqarput.

Naalakkersuisut tamanna aallaavigalugu aningaasatigut missingersersuusiornarerup

Namminersornerullutik Oqartussat aningaasarsiornikkut aqtsinerata nutaaliangortinnejarnissaanik kinguneqartussamik nutarterivigineqarnissaanik suliaq aallartitissimavaat. Maannamut isumaliutersuutaasarsimasut arlallit nalunaarummi "Namminersornerullutik Oqartussani aningaasaqarnermik aqtsineq"-mi, Inatsisartut 1999-mi upernaakkut ataatsimiinnerannut atatillugu agguaanneqartumi ilanngunneqarsimapput.

Inatsisartut Namminersornerullutik Oqartussat aningaasatigut missingersersuutaannut inatsisissaattut siunnersuut una, missingersersuusiornermut inatsit, aningaasarsiornikkut aqtsinerup nutaaliangorsarneqarnerani taaneqartumik nangitsineruvoq.

3.

Missingersersuusiornermut inatsit arlalitsigut missingersersuusiornermi tunngaviusartunik atuuttunik aaqqissuussamik atuilersitsiffiuvoq erseqqissaanerullunilu, soorlu Inatsisartut ukiumut aningaasanut inatsisip atuuffianut aningaasarsiornikkut tulleriinnilersuinerit sapinngisamik ani-ngaasanut inatsimmi ataatsimoortinniarneqartarnissaannik tunngavigisaq. Tunngavigisaq taanna aningaasarsiornерup naalakkersuinikkut tamakkiisumik isiginiarneqarsinnaalernissaanik aammalu tamakkiisumik assigiinngitsunullu sammititamik tulleriinnilersuisarnissap qulakkeerneqarnissaanik siunertaq tunngavigalugu pingaaruteqarluunnarpoq.

Aningaasanut inatsimmi ataatsimoortitsilluni tulleriinnilersuisarnissamik tunngavimmut tapertaatinniarneqarpoq ilassutitut aningaasaliissutinut inatsisip kingusinnerusukkut inatsisitut, ukioq aningaasanut inatsisip atuuffia naareeraangat akuersissutigineqartartussatut aammalu Inatsisartut Inatsisartullu Aningaasaqarnermut Ataatsimiitaliaata akuersissutigeriigaannik inatsisikkut aaqqiinerusartussatut, inissinniarnera. Tamatuma kingunerisaanik Inatsisartut Aningaasaqarnermut Ataatsimiitaliaata suliani ataasiakkaani aalajangiisinnaatitaanera ukioq kaajallallugu atuuttussanngorlugu annertusineqarpoq, t.i. Inatsisartut ataatsimiinnerata nalaan ilanngullugu. Inatsisartut Aningaasaqarnermut Ataatsimiitaliaata Inatsisartut ataatsimiinnerata nalaani siusinnerusukkut ilaatigut suliarisarpai ilassutitut aningaasaliissutissatut siunnersuutinut isumaliutissiissutit, taamatullu oqartussaaneq maanna allangortinniarneqarpoq sulianut aningaasaliissuteqarernut tunngassuteqartunut atatillugu aalajangiisarnissamut oqartussaaninngortillugu.

Naatsorsuitigineqarpoq Inatsisartut ukioq 2000-imi ataatsimiinnissaanni Inatsisartut Naalakkersuisullu pillugit Inatsisartut inatsisaata allannguuteqartinnejarnissaa ataatsimut isigalugu siunnersuutigilersaarneqartoq. Tassunga atatillugu Inatsisartut Aningaasaqarnermut Ataatsimiitaliaata oqartussaanera pillugu aalajangersakkat taamatullu

aamma ilassutitut aningaasaliissutit pillugit aalajangersakkat inatsisissatut siunnersummi uani aalajangersakkanut naapertuuttunngorsarneqarsinnaassapput. Malugeqquneqassaaq inatsisit assigiinngitsunut iminnut assortuuttunik imaqpata inatsimmi akuersissutigineqartumi kingullermi aalajangersakkat atuuttussaassasut.

Missingersersuusiornermut inatsimmi Inatsisartut Inatsisartut Suleriaasissaat naapertorlugu inatsisissatut siunnersuutinik aningaasartalinnik suliaqartarnissaminnt aalajangiiffigisassatullu siunnersuutinik aningaasartalinnik saqqummiunneqartarnissaminnt nalinginnaasumik periarfissaat eqqorneqanngillat. Taamaattorli Inatsisartut Naalakkersuisullu pillugit Inatsisartut inatsisaanni § 16, ilassutitut aningaasaliissuteqartarnermut periutsimut tunngasoq, missingersersuusiornermut inatsisip imaanut naapertuuttunngorlugu iluarsiissuserteriaqassaaq.

Aammattaaq missingersersuusiornermut inatsimmi ilaapput aningaasaleeriaatsit aningaasaliissutillu atorneqarnissaannut maleruagassat kiisalu aningaasaliinerit nutaat allanngukkalluunniit aaqqissuussanngortinneri.

4.

Taakku saniatigut missingersersuusiornermut inatsimmi ilaapput sanaartugassanut sulisoqarnermullu tunngatillugu missingersersuusoriaatsinik annertuitigut pisariillisaanerit nutaalianngorsaanerillu. Sanaartugassanut tunngatillugu Sanaartugassanut iluarsagassanullu Aningaasaateqarfik pilersinneqassaaq, tamatumalu kingunerissavaa teknikimut tunngassuteqartut soorlu piffissat sanaartorfiit nikinnerisa sanaartukkanullu tunngatillugu aningaasaliissuteqaqqinnissanik apeqqutit, aningaasatigut kingunerisassaasa, aningaasaliissutinut inatsisini ilangunneqartarunnaarnissaat. Taamalillutik sanaartugassanut tunngatillugu naalakkersuinikkut isummerfiginiagassani sanaartugassanut nutaanut aningaasaliissutissat tamarmiusut aallunniarneqarsinnaanngussapput. Sanaartugassanut ani-nngaasaliissutit taakku aningaasaliissutinut inatsimmut ilangunneqareeraangamik Sanaartugassanut iluarsagassanullu Aningaasaateqarfimmut nuunneqarsinnaanngussapput.

Aammattaaq sanaartugassanut tunngasut nutaalianngortinneqanerisa kingunerissavaat pilersaarusiataasiakkaat qanoq suktagisumik sananeqarnissaasa pilersaarusiornermi ulluinnarnilu ingerlanissami qissisimaagassat nalilersuiffigereernerisigut naleqqussarneqarsinnaanissaat.

5.

Sulisoqarnermut tunngatillugu tjenestemanditut atorfiit inuttalersugaaneri maannamut

aninaasanut inatsimmi § 3-mi ilangunneqartarput. Missingersersuusiornermut inatsimmi siunnersuutigineqartoq naapertorlugu tjenestemanditut atorfiiit inuttalersugaaneri siunissami aningaasaliissutinut inatsisini ilaatinneqartarunnaassapput. Taamatut allannguineq pissutigalugu tjenestemandit pillugit Inatsisartut inatsisaanni allannguisoqartussanngussaaq. Allannguinissamik siunnersuuteqarnermut tunngaviuvoq tjenestemanditut atorfiiit inuttalersugaanerisa aningaasaliissutinut inatsisit akuersissutigineqartarnerinut atatinneqarnerata pitsaasuunngitsutut isumaqarfingeqarnera. Aningaasaliissutinut akisussaasut ataasiakkaat aningaasaliissutit aalajangersimasut tjenestemandinut isumaqatigiissutilluunniit malillugit sulisorisanut akissarsiatut immaqaluunniit tamatumunnga taarsiullugu avataaniit sullinneqarnernut aningaasartuutistik atorneraat aningaasaqarnerup aqunneranut tunngaviusumik pingaaruteqanngilaq. Tunngavissaatinneqartariaqarpoq aningaasaliissutinut akisussaasut suliassat pitsaanerpaamik aningaarsaqarnikkullu iluaqutaanerpaamik naammassinneqarnissaat qulakteertassagaat. Siunissami tjenestemanditut atorfiiit amerlassusiisa pisariaqartitat tunngavigalugit aqunneqarnerat iluaqtissartalimmik allaffeqarfikkoortumik isumagineqarsinnaassaaq. Tamatuma kingunerisaanik Inatsisartut qanoq annertutigisumik ilisimatinneqartarnissaannik pisussaaffiliisoqarsinnaaneranik apeqqut tjenestemandit pillugit inatsisit iluarsiissusernerini aalajangersaavigineqarsinnaavoq.

6.

Kiisalu aamma missinngersersuusiornermut inatsit aningaasaliissuteqartarnermi paasissutissiisarnikkut aningaasartuutinillu nakkutilliisarnikkut tunngavissanik qulakteereqataassaaq. Taassuma saniatigut paasissutissiisarnermik piumasaqaatip pisariillisinneqarnera inatsisikkut qulakteerneqassaaq, taamaalillutillu Inatsisartut Namminersornerullutik Oqartussat aningasaqarnerannut aningaasarsiornikkullu aqtsinerannut tamakkiisumik malinnaanissaminut periarfissarissaarnerulissallutik.

Paasissutissiisarnissamik piumasaqaatini ilaapput ingerlatat, maleruagassat tunngavigineqartut missingersersuusiornermilu tunngavissaatinneqartut pillugit paasissutissiisarnerit annertusineqarnissaat kiisalu aningaasaliissutinut assigiinngisitaartunut nalunaarsuusiornermilu piumasaqaatit. taaneqartumut kingullermut tunngatillugu ilaatigut eqqarsaatigineqarput nalunaarsuutit “immik-koortut naalakkersuinerut tunngasut” pillugit paasissutissanik, nalinginnaasumik naalakkersuisoqarfikkuutaartumik agguataarineq malinnagu assigiinngisitaartunut agguataarilluni paasissutissiinertut sulianik, imallit.

Aammattaaq nutaanik aningaasaliissuteqarnerit aningaasaliissutinilluunniit allannguinerit pillugit paasissutissiissutit annertusineqassapput.

Inatsisartut Namminersornerullutik Oqartussat aningaasartuutaasa isertitaasalu nikerarneri, taakkununnga ilanngullugit aningaasanut inatsimmi tunngavilersuutinut naleqqiullugu nikingassutit, pillugit paasiuminartunik paassisutissinneqartarnissaminnik piumasaqaataat aningaasartuuteqartarnikkut ingerlatsineq pillugu ilisimatitsissutit/nassuaatit aqqutigalugit Inatsisartut upernaakkut ukiakkullu ataatsimiinnerini timitalerneqartassaaq.

Inatsisartut upernaakkut ataatsimiinneranni ukumi siuliani ilassutitut aningaasaliissutissanut siunnersuut, ukumi siuliani naatsorsuutit kiisalu aningaasaqarniarnikkut ingerlatsineq pillugu nalunaarut saqqummiunneqartassapput. Taaneqartoq kingulleq tassaavoq Namminersornerullutik Oqartussat aningaasaqarnerat pillugu ukumoortumik nalunaarut, isertitat aningaasartuutillu nikerarnerinut nassuaataasoq misissuinernillu nalilersuutaasoq aammalu aningaasartuuteqarfinni pingaarutilinni aningaasaqarniarnikkut ingerlatatigullu misissuinernut takussutissianik imalik. Nalunaarutip taassuma aningaasaqarniarnikkut ingerlatsineq pillugu maannamut nassuaasiaasarsimasut, Inatsisartut upernaakkut ataatsimiinneranni oqaluuserineqartarsimasut, assigiinnangajappai.

Inatsisartut ukiakkut ataatsimiinneranni ilisimatitsissummi ukumi aningaasanut inatsisip atuuffiani aningaasaliissutit allannguutaat Inatsisartut Aningaasaqarnermut Ataatsimiitaliaannit Naalakkersuisunillu akuersissutigineqarsimasut paassisutissiissutigalugit killiffik ilisimatitsissutigineqartassaaq. Taakku saniatigut aningaasaliissutit inatsisitigut pisussaaffigisat aningaasartuuteqarfingineqarsimanerinik nakkutilliisimaneq kiisalu isertitassatut aningaasaliissutit pillugit nakkutilliisimaneq pillugit ilisimatitsisoqartassaaq.

Missingersersuusiornermut inatsit arlalitsigut inatsisitut sinaakkusiussatut, Namminersornerullutik Oqartussani aningaasarsiornikkut aqutsinerup nutaaliangorsarneqarnissaanut tunngavissanik pingaarutilinnik taamaallaat imaqtutut, isikkoqarpoq. Taamaammat inatsimmi inatsisitigut tun-ngavissaliilluni Missingersersuusiornermut Malittarisassanik, missingersersuusiornermut inatsisimmi tunngavilersuutinut pingarnernut itisilerutigineqartussanik, - maannamullu missingersersuusiornermut ilitsersuutaasimasumut taartaasussanik - suliaqartarnissamut periarfissiisoqarlunilu piumasaqaateqartoqarpoq. Aammattaaq Missingersersuusiornermut malittarisassat eqqortumik nassuarneqarsinnaanissaat atorneqarsinnaanissaallu qulakkeerniarlugu allaffissornikkut ilitsersuutit suliarineqassapput.

Taamaalilluni missingersersuusiornermut inatsit una kisimiissanngilaq, aammali ilaqtussaassalluni allaffissornikkut allannguutinik arlalinnik kiisalu missingersersuusiornermut inatsimmut erseqqissaatinik.

Aningaasatigut allaffissornikkullu kingunerisassat

Inatsit immini aningaasatigut kinguneqartussaanngilaq, kisiannili Namminersornerullutik Oqartussani aningaasaqarnikkut aqtsinerup pitsangorsarneqarnissaanut aqqutissiuusseqataasinnaalluni.

Inatsisip kingunerisaanik ukunani arlalinnik naqqiuteqarnissaq pisariaqassaaq:

- Inatsisartut Naalakkersuisullu pillugit Inatsisartut inatsisaat nr. 11, 20. oktober 1988-imeersoq
- Namminersornerullutik Oqartussat naatsorsuuseriveqarnerat pillugu Inatsisartut inatsisaat nr. 23, 3. november 1994-imeersoq.
- Kalaallit Nunaanni Inatsisartut Suleriaasissaat 3. juni 1993-imeersoq.
- Namminersornerullutik Oqartussat suliffeqarfutaasa namminersortitat naatsorsuuserinerat il. il. pillugit Namminersornerullutik Oqartussat nalunaarutaat nr. 25, 26. november 1998-imeersoq.
- Namminersornerullutik Oqartussani kommuninilu tjenestemandit pillugit Inatsisartut inatsisaat nr. 5, 14. maj 1990-imeersoq.
- Inatsisartut suliffeqarfutaanni tjenestemandit pillugit Inatsisartut inatsisaat nr. 4 ull. 20. maj 1998-imeersoq.

Taakku saniatigut inatsisip kingunerisaanik Namminersornerullutik Oqartussani allaffissornikkut ingerlaatsit allannguuteqartussaassapput. Naggataatigut oqaatigineqassaaq allannguinissat pisariaqartut piaartumik allanngortinneqarsinnaassappata allannguutissatut inatsisinik, Missingersersuuisornermut Malittarisassanik, ilitsersuutinik il. il. suliaqarnissamut atatillugu aningaasanik pisariaqartitanik immikkoortitsinissaq pisariaqassasut.

Aalajangersakkanut ataasiakkaanut nassuaatit

§ 1-imut

Aalajangersakkami aningaasanut inatsisip tunngaviusumik atuunnera aalajangersarneqarpoq. Er-seqqissarneqarpoq Naalakkersuisunut ilaasortaq pineqartoq aningaasaliissutnik pissarsereersimatinagu aningaasartuuteqaranilu aningaasanik isertitaqartoqarsinnaanngitsoq. Ilanngullugu erseqqissarneqarpoq aningaasanut inatsisip Nunatta Karsiani aningaasartuutit isertitallu tamakkerlugit imarissagai.

Aningaasaliissutit maleruagassatut pingaarnertut aningaasanut inatsimmi pissarsiarineqartassapput imaluunniit Inatsisartut Aningaasaqarnermut Ataatsimiititaliaannut saqqummiussinikkut pissarsiarineqartassallutik. Aningaasaliissutit Inatsisartut Aningaasaqarnermut Ataatsimiititaliaannit akuersissutigineqartut akuersissutigineqarnermik kingorna aningaasaliissutinut inatsimmut, ilassutitut aningaasaliissutinut inatsimmut, ilanngunneqartassapput.

§ 2-mut

Aalajangersakkami ukiup aningaasanut inatsisip atuuffiata sivisussusia nassuarneqarpoq.

§ 3-mut

Aalajangersakkami taaguut “ningaasaliissuteqarneq” Naalakkersuisunut ilaasortap aalajangersakkat erseqqinnerusut malillugit iliuuseqartartussanngorlugu pisinnaatinneqartarnissaatut nassuarneqarpoq. Aalajangersakkat taakku inatsimmi uani, inatsimmi allami, Missingersersuusiornermut Malittarisassani, oqaasertaliussatut imaluunniit ukiumoortumik aningaasanut inatsisini nassuaatini aalajangersarneqarsimasuusarsinnaapput.

§ 4-mut

Aningaasanut inatsit immikkut aningaasartuutinut missingersersuusianik immikkullu isertitassanut missingersersuusianik imaqarpoq. Aningaasartuutinut missingersersuusiani ilaapput aningaasartuutit tamarmik kiisalu isertitat ingerlatsinermut tunngassuteqartut, tassa imaappoq suliffeqarfiup allaffissornikkulluunniit immikkoortortaqarfiup ingerlatsinerata kingunerisaanik toqqaannartumik isertitat.

Isertitassatut missingersersuusiani ilaasussaatinneqarput akitsuutitigut akileraarutitigullu isertitat kiisalu naalagaaffiup tapiissuteqarneratigut isertitat, iluanaarutinit pissarsiat, tunissutisiat il. il., Nunatta Karsianut ingerlatinneqartut.

Aammattaaq aalajangersakkami aalajangersarneqarpoq aningaasaliissuteqariaatsimi aallaaviusoq tassaasoq aningaasaliissutit aningaasartuutit isertitallu immikkut nalunaarsorneqartarnerat (ilan-ngaatissat ilanngaatigereernagit periuseq). Taamaalillutik aallaaviusumik aningaasartuutit aningaasaliissutit amerlaqataannik isertitaqarneq innersuussutigalugu sinnerneqarsinnaanngillat. Tassa imaappoq aningaasaliissutit ilanngaatissat ilanngaatigereernagit aningaasartuutit ilanngaatissallu ilanngaatigereernagit isertitatut nalunaarsorneqartassasut. Maleruagassaq pingaardeq taanna aningaasaleeriaatsimut “ingerlatsinermut aningaasaliissutit”-mut atatillugu sanioqqunneqarsinnaavoq, takukkit §-it 7 aamma 15. Taamaalilluni ingerlatsinermut aningaasaliissutini suliffeqarfiup ingerlatsisuusup ingerlatsineranut atatillugu annikitsunik isertitaqartoqarsinnaavoq. Taakku assersuutigalugu tassaasinnaapput pikkorissartitsinernut atatillugu isertitat, atortuutinik atornikunik tunisaqarnermit isertitat, nioqquqtiisanik sullissinernillu tunisinermit isertitat il. il. Taamaalillutik ingerlatsinermut aningaasaliissutini isertitat amerlanerussutaat taakku amerlaqataannik aningaasartuutit amerlanerunissaannut aqqtissiuussisinnaapput.

Missingersersuusiat taakku marluk erseqqinnerusumik killilernissaat missingersersuusiornermilu maleruagassat, taakkununnga ilanggullugu isertitat suut aningaasartuutinut missingersersuusianut ilangunneqartarnissaannut maleruagassat, Aningaasaqarnermut naalakkersuisumit Missingersersuusiornermut malittarisassani aalajangersarneqartassapput. Nassuaatini § 33 innersuussutigineqarpoq.

§ 5-imut

Aalajangersakkami aalajangersarneqarpoq aningaasanut inatsit Inatsisartut ukiup aningaasanut inatsisip atuuffiata ingerlanerani aningaasanik aningasaqarnikkut tulleriinnilersuinerannut tamakkiisumik takussutissaassasoq. Tamatuma malitsigisaanik ukiumoortumik tulleriinnilersuineq kingusinnerusukkut aningaasaliisoqarnissaanik qinnuteqaatit ataasiakkaat aqqtigalugit tunngavimmigut allanngorteqquaanngilaq. Missingersersuusiornermut inatsimmi anguniagaavoq aningaasat ukiumut ataasiarlugit tulleriinnilersorneqartarlutillu agguataarneqartassasut, takukkit aallaqqaasiutigalugit nassuaatit.

Tamatuma malitsigisaanik nutaanik aningaasaliisarnerit aningaasaliissutinillu

allannguisarnerit sappinngisamik annertunerpaamik killilersimaarniarneqartassapput, tassaanerusassallutillu aningaasartuutinut sillimaffigereersimasinnaanngisanut tunngasut, sillimmatinik atuinissanut tunngasut imaluunniit aningaasaliissutinik aningaasanut inatsit naapertorlugu aatsaat Inatsisartut Aningaasaqarnermut Ataatsimiitaliaat qanoq atorneqarnissaannut erseqqinnerusunik maleruagassioerrepat atorneqarsinnaasunut tunngasut. Taaneqartut kingulliit assersuutigalugu aningaasanut inatsimmi sanaartugassanut aningaasaliissutinut atatillugu sanaartugassanut pilersaarusiaq aalajangersimasoq pilersaarusiaq nassuaaserneqarsinnaasimanngikkaangat pisariaqalersinnaasarpot, taamalu pisoqartillugu sanaartugassanut aningaasaliissutit atorneqassappata sanaartugassanut pilersaarusiaq aalajangersimasoq Inatsisartut Aningaasaqarnermut Ataatsimiitaliaannut saqqummiunneqaqqaartussaasassaaq.

Tamatumunga peqatigitillugu aalajangersakkami takuneqarsinnaavoq Naalakkersuisunut ilaasortaq aningaasaliissutigineqartunut akisussaasoq aningaasaliissutigineqartoq sappinngisamik pitsaanerpaamik atorneqarsinnaaqquillugu aningaasaliissutit atorneqarnerisa nakkutiginissaanut pisussaasoq, taassumalu saniatigut aqtsinerup naammaginartumik aaqissuunneqarsimanissaa qulakteerniassallugu, tassunga ilanngullugu aningaasatigut aqtsinerup pitsasuunissaa ingerlanneqarluarnissaalu.

§ 6-imut

Aalajangersakkami oqaasertaliussanik atuineq aalajangersagaliuunneqarpoq, tassa imaappoq ani-ngaasanut inatsimmi inatsisiliornissamut periarfissiisoqartoq.

Oqaasertaliussat taamaallaat ukumi oqaasertaliussap aningaasaut inatsimmi ilanngunneqarfigisaani atuuttartussaapput. Taamaalillutik inatsisitigut aalajangersakkat oqaasertaliussatigut aalajangerneqartut inatsisikkut aalajangersakkap atortiinnarneqarnissa kissaatigineqaraqangat ukumi tullermi aningaanut inatsimmi uteqqinneqartarnissaat pisariaqarpoq. Ataatsimulli isigalugu aalajangersarneqarpoq inatsisit oqaasertaliussat atorlugit piujuartussanik nalinginnaasunilluunniit allannguuteqartinneqarsinnaanngitsut, tamakkulu piviusunngortinnejartassasut nalinginnaasumik inatsisisiliorneq aqqtigalugu.

Oqaasertaliussat ukiuni aningaasanut inatsisit atuuffiini tullerni aningaasaliissutissanik siuartitsissutaasinnaanngillat, tamatumalu kingunerisaanik oqaasertaliussami assersuutigalugu aalajangersarneqarsinnaanngilaq siunertamut aalajangersimasumut ukumi tullermi aningaasanik immikkoortitsisoqassasoq immikkoortitsisoqarumaartorluunniit.

§ 7-imut

Aalajangersakkami erseqqissarneqarpoq aningaasanut inatsimmi aningaasaliissutit aningaasaleeriaatsinut immikkoortitaartunut agguataarneqartassasut. Taamaalillutik aningaasaliissutit suuneri aningaasaliissutini ataasikaani aningaasanik atuinissaq pillugu maleruagassanut erseqqinnerusunut aalajangiisuusassapput. Aningaasanik atuinissaq pillugu maleruagassat nalinginnaasut immikkoortunullu assigiinngisitaartunut tunngasut Aningaasaqarnermut Naalakkersuisunit Missingersersuusiornermut Malittarisassani aalajangersarneqartassapput, takuuk § 20.

§ 8-mut

Aalajangersakkami aalajangersarneqarpoq aningaasanut inatsisissatut siunnersuut ukiup aningaasanut inatsisip atuuffissaa sioqqullugu kingusinnerpaamik septemberip aallaqqaataani Naalakkersuisunit saqqummiunneqartassasoq. Aalajangersakkami Inatsisartut aningaasanut inatsisissatut siunnersuutip suliarinissaannut naammattumik piffissaqarnissaat qulakteerniarneqarpoq aammalu tamanut ammasumik oqallinnissamut piffissaqarnissaq qulakterniarneqarluni.

§ 9-mut

Aalajangersakkami maleruagassaliuunneqarput aningaasanut inatsisissatut siunnersuummut allannguutissatut siunnersuutit saqqummiunneqartarnissaat maleruagassiunneqarput. Allannguutissatut siunnersuutit saqqummiunneqarnissaanni periusissat erseqqinnerusut Inatsisartut Suleriaasissaanni malittarisassaqartinnejgarnerat innersuussutigineqarpoq.

Aalajangersarneqarpoq Aningaasaqarnermut Naalakkersuisoq Naalakkersuisut allannguutissatut siunnersuutinik suliaqartarnissaat pillugu erseqqinnerusunik aalajangersagaliussasoq. Taakku ilaatigut tassaasinnaapput naalakkersuisoqarfiiit ataasiakkaat allannguutissatut siunnersuutinik ilaatinniakkaminnik suliaqartarnissaannut piffissaliussat pinngitsoorani malinneqartussat kiisalu ilusiliinissamik piumasaqaatit assigiinngitsut. Taakku saniatigut allannguutissanut siunnersuutit pingaartumik pissutsinut aningaasanut inatsisissatut siunnersuutip suliarineqarni sillimaffigereerne-qarsinnaasimanngitsunut tunnganerusariaqarput aammalu aningaasanut inatsisip sapinngisamik pissutsinut nutaanerpaanut naapertuuttuunissaata qulakteerneqarnissaanut

atorneqartariaqarlutik, tassunga ilanngullugu aningaasartuutit inatsisitigut pisussaaffigisat kiisalu iseetitat missingernerini allanguutit annertuut ilanngunneqarnissaannut atorneqarlutik.

§ 10-mut

Aalajangersakkami aalajangersarneqarpoq aningaasanut inatsit ukiup atuuffigisassami siuliani kingusinnerpaamik ulloq 1. november akuersissutigineqareertassasoq. Taamatut piffissaliussaqarnissaasaa pisariaqartutut isigineqarmat piffissaliussaq allanngortinneqanngilaq, tassami kommunit aningaasanik missingersersuusiortarnerat, naatsorsuutaat, kukkunersiuiffigineqartarnerat naatsorsuuserinerallu pillugit Namminersornerullutik Oqartussat nalunaarutaanni nr. 29-mi 18. september 1995-imeersumi aalajangersarneqarpoq kommunit ukiumut aningaasanut inatsisip atuuffissaanut tullermut aningaasatigut missingersersuusiaat kingusinnerpaamik 1. november akuersissutigineqartassasut.

§ 11-mut

Aalajangersakkami aalajangersarneqarpoq aningaasanut inatsisip imarisassagai inatsisip oqaasertai. Inatsisip oqaasertaasa imarisussavaat aningaasaliissutinut nalunaarsuut, ukiumi aningaasanut inatsisip atuuffiani aningaasaliissutit kontunut pingaarnernut immikkoortitigaallutik nalunaarsorsimaffigisaat. Taakku saniatigut inatsisip oqaasertaasa imarisussavaat ukiumi aningaasanut inatsisip atuuffiani oqaasertaliussat. Aningaasaliissutinut nalunaarsuummi ukiumi aningaasanut inatsisip atuuffiani aningaasaliissutit kisitsisitaasa saniatigut ukiup aningaasanut atuuffiata kingorna ukiunut tullerni pingasunut, tassa ukiunut aningaasatigut missingiusiorfinnut, najoqqtassatut kisitsisitaliussat.

Maannamut aningaasanut inatsisaasarsimasunut naleqqiullugu nutaajuvoq aningaasaliissutinut nalunaarsuutip aningaasanut inatsisip oqaasertaasa ilaattut suliarineqartalernissaa. Taamaliornermi anguniagaavoq aningaasanut inatsisip aningaasaliissutinik tamarmiusunik tamakkiisumik paasuminartumillu nalunaarsuusiornikkut aallaqqaasertalernissaa.

Ilanngullugu oqaatigineqarpoq Aningaasaqarnermut Naalakkersuisoq aningaasanut inatsisip oqaasertaani oqaasertaliussanik ilanngussisarnissaq pillugu erseqqinnerusunik aalajangersagaliortassasoq. Aalajangersakkami pingaartumik qulakkeerniarneqarpoq

maleruagassanik oqaasertaliussat atugaanerat sapinngisamik killilersimaarneqarnissaannut qulakkeerutaasussanik pilersitsisoqarnissaa., ilanngullugu takuuk § 6.

Inatsisisatut siunnersuutip kingunerissavaa maannamut aningaasanut inatsisaasartuni § 3-tut allassimasartup, tjenestemanditut atorfiit inuttalersugaanerinik imallip, peerneqarnera. Tamatuma kingunerisaanik aningaasanut inatsit matuma kingorna taamaallaat Namminersornerullutik Oqartussat aningaasaqarnikkut aqutsinerannut tunngassuteqalissaq. Allannguinissamik siunnersuuteqarnermut tunngaviuvoq aningaasaliissutinut akisussaasut ataasiakkaat aningaasaliissutit aalajangersimasut tjenestemandinut isumaqatigiissutilluunniit malillugit sulisorisanut akissarsiatut imma-qaluunniit tamatumunnga taarsiullugu avataaniit sullinneqarnernut aningaasartuutit atorneraat aningaasaqarnerup aqunneranut tunngaviusumik pingaaruteqannginneranik isumaqarneq.

Tamatut allannguinerup kingunerisaanik tjenestemandit pillugit inatsisit kingusinnerusukkut allanngortittariaqalissapput. Aammattaaq allannguinissamik siunnersuuteqarnermi tunngavigineqarpooq tjenestemanditut atorfiit inuttalersugaanerata aningaasaliissutinut inatsisit akuersissutigineqartarnerinut ilaatinneqartarnerisa pissusissamisoortutut isigineqannginnerat. Siunissami tjenestemanditut atorfiit amerlassusissaasa pisariaqartitsineq naapertorlugu aqunneqarnerat allaffissornikkut pitsaasumik isumagineqarsinnaalissaq. Tamanna pillugu aalajangersakkani Missingersersuusiornermut Malittarisassani ilanngussisoqarsinnaavoq, takuuk § 33. Tjenestemandinut tunngassuteqartut taamatut allannguuteqarnerisa Inatsisartunut ilisimatitsisarnissamut pisussaaffeqarnerup tungaatigut qanoq annertutigisumik kinguneqarnissaat tjenestemandeqarneq pillugu inatsisit allanngortiterinut atatillugu aalajangersarneqarsinnaavoq.

§ 12-imut

Aalajangersakkami aalajangersarneqarpooq nassuaatit qanoq ittut aningaasanut inatsimmi ilanngunneqassanersut. Oqaatigineqarpooq makku ilanngunneqassasut:

- 1) Angusanut nalunaarsuut,
- 2) inatsisip immikkoortuinut assigiinngisitaartunut angusanut nalunaarsuut,
- 3) kontunut pingarernut nalunaarsuut,
- 4) missingersersuusianut ilaatitat, kiisalu
- 5) oqaasertaliussanut nassuaatit.

Nalunaarsuutit siulliit pingasut najoqqtassiaapput, missingersersuusianullu ilaatitat

oqaasertaliussanullu nassuaatit aningaasaliissuteqarnermi tunngavilersuutigineqartunut erseqqinnerusumik nassuaataapput.

Kiisalu aamma aalajangersarneqarpoq Aningaasaqarnermut Naalakkersuisoq nassuaatit assigiin-ngitsut tallimat siuliani taaneqartut suliarineqartarnissaannut aalajangersagaliorsinnaasoq, tassungalu ilanngullugu assersuutigalugu sinaakkutissamik missingersersuusianut ilaatisasanik ilusiliinissamut piumasaqaatinik aalajangersimasunik imalimmik aalajangersasinnalluni.

§ 13-imut

Aalajangersakkami aningaasanut inatsisimmut nassuaatit imassaat aalajangersagaliunneqarput. Nassuaatit suliarineqarnerminni inatsisip oqaasertaasa suliarineqarnerat malissavaat. Tamatuma kingunerisaanik “angusanut nalunaarsuut”, isertitanut missingersersuusianut aningaasartuutinullu missingersersuusianut kiisalu missingersersuusiani angusanut tamarmiusunut (IST-p inerneranut) avitaq, aallaqqaataassaaq. Aammattaaq nalunaarsuut immikkoortunut pingaarnernut naalakkersuisoqarfinnullu avinneqartassaaq. Taamatut aalajangersagaqarneranut tunngaviuvoq nalunaarsuutit ukiumiit ukiumut assigiaartunik paasuminartunillu ilusilorseqartarnissaasa qulakkeerneqarnissaat.

Taakku saniatigut “inatsisip immikkoortuinut assigiinngisitaartunut angusanut nalunaarsuut”, ingerlatanut immikkoortunut naalakkersuinerimullu tunngatillugu immikkoortunut avitaq, ilanngunneqartassaaq. Nalunaarsuusiat taamaattut kingusinnerusukkut annertusineqarnissaannut periarfissaqarpoq.

Aammattaaq inatsimmi immikkoortunut assigiinngisitaartunut nalunaarsuutit imarisinnaavaat Nunatta Karsianit inatsisilerinikkut pisussaaffiliisumik qularnaveeqqusiiissutit, taamaalillutik taakku Inatsisartut aningaasanut inatsisissatut siunnersummik suliarinninneranni paasissutissutigineqarsinnaaniassammata. Ilanngullugu naatsorsuutigineqarpoq sanaartugassanut pilersaarusanut nutaanut nalunaarsuutit ilanngunneqartassasut. Inatsimmi immikkoortunut assigiinngisitaartunut nalunaarsuutit ukiumit naatsorsuutit atuuffianit ilisimaneqartumiit kingullermiit ukiup aningaasanut inatsisip atuuffiata kingorna ukiut missingiusiorfiit pingasuuusut kingullersaannut sivikinnerpaamik ukiunit arfinilinnit paasissutissutinik imaqtassapput.

Aalajangersarneqarpoq “kontunut pingaarnernut nalunaarsuut” suliarineqartassasoq. Taassuma assigaa maannakkut ilanngussaq 1-itut suliarineqartartoq. Nalunaarsuummi

kontut pingarnerit tamarmik ilaapput. Ukiuni aningaasanut inatsisip atuuffiani aningaasaliissutit saniatigut nalunaarsuummi ilanngunneqartassapput kingullermik naatsorsuutitigut angusat, kingullermik aningaasanut inatsimmi aningaasaliissutit kiisalu ukiuni missingiusiorfinni pingasuni aningaasaliissutit pillugit paasissutissiissutit.

Kontuni pingarnerni aningaasaliissutinut ataasiakkaanut nassuaatit "missingersersuusianut ilaatitat"-nik taagorneqarput, tamannalu maanna pissusiusunut naleqqiullugu allanngunngilaq. Missingersersuusianut ilaatitat imaraat aningaasaliissutigineqartumut tunngatillugu maleruagassatigut tunngavigisat, missingersersuusiornermi tunngavissaatinneqartut il. il.

Aningaasaliissutinut ataasiakkaanut missingersersuusianut ilaatitat imarissavaat aningaasaliissutip suunerata nalunaarnera, takuuk § 14, aammalu imarissallugu aningaasaliissummut tunngatillugu oqaasertaliussanik ilangussisoqarsimanersoq pillugu paasissutissiissut. Ilangussisoqarsimappat oqaasertaliussap normua nalunaarneqassaaq. Aalajangersakkat taakku aqqutigalugit erseqqvissumik aalajangersarneqarpoq aningaasaliissummut tunngatillugu aningaasanik atuinissamut maleruagassat il. il. suunersut, tassunga ilanngullugu aningaasaliissutip suunera aningaasaliissuteqarnikkullu aqunneqarnera.

Missingersersuusianut ilaatitap imarissavai missingersersuusiornermi tunngavilersuutit pillugit paasissutissat kiisalu missingersersuusiat immikkoortitaarneri. Missingersersuusianut ilaatitat Inatsisartut pineqartup aningaasaliissutiginissaanut tunngavissaraat, taamaalillutilu aamma Inatsisartut tamakkiisumik tulleriinnlersuiniarneranni ilaasарput. Taamaammat missingersersuusianut ilaatitat taamaliornissamut tunngavissaalluarsinnaanissaat pingartuuvoq, t. i. aningaasaliissuteqarniarnermut tunuliaqutaasoq, iluanaarutissatut pissarsiassatullu naatsorsuutigisat, ingerlatsineq, naammassisqaqsinnaaneq il. il. nassuaqqissaarneqarsinaasariaqartut. Naalakkersuisunut ilaasortat ataasiakkaat paasissutissanik pisariaqartunik tamanik pissarsiarnissaq akisussaaffigaat.

Oqaasertaliussanut nassuaatini ilaatigut oqaatigineqassaaq oqaasertaliussaq ukiuni siuliini aningaasanut inatsisinit ingerlateqqitaanersoq kiisalu oqaasertaliussaq ulluinnarni qanoq kinguneqarumaarnersoq kinguneqarsinnaanersorluunniit.

§ 14-imut

Aalajangersakkami aningaasaleeriaatsit tallimaaneri aalajangersarneqarput. Aningaasaleeriaatsit suuneri atunissamut maleruagassanut aalajangiisusuusarpot, takuuk § 7.

Aningaasaleeriaatsit tallimat ukuupput:

- 1) Ingerlatsinermut aningaasaliissutit
- 2) Aningaasaliissutit inatsisitigut pisussaaffigisat
- 3) Tapiissutissatut aningaasaliissutit
- 4) Sanaartugassanut aningaasaliissutit
- 5) Isetitassatut aningaasaliissutit

Aningaasaleeriaatsip sorliup toqqarneqarnissaani ingerlatassap suunera aningaasaliissutinillu aqutsinissaq kissaatigineqartoq apeqqutaasassapput. Aningaasaliissutinik aqutsinermut tunngatillugu assersutigalugu apeqqutaasinnaavoq aningaasaliissummut atatillugu akissarsianut aningaasartuuteqartoqarsinnaassanersoq.

Tunngavissaatinneqarpoq Missingersersuusiornermut Malittarisassani maleruagassatigut aningaasanik atuinissanut maleruagassiat aalajangersarneqassasut, takuuk § 20. Tassa imappaq allamik taasaqartoqarsimatinngu Missingersersuusiornermut Malittarisassani aningaasanik atuinissamut maleruagassat pineqartumut tunngasut nalunaarneqarsimasassasut.

Aningaasanik atuinissanut maleruagassanut naleqqiullugu *nikingassutit* aningaasaleeriaatsinut ataasiakkaanut tunngatillugu immikkut maleruagassiani taaneqarsimapput, takukkit matuma kinguliini allassimasut.

Aningaasanik atuinissanut maleruagassani §-it 15 - 19 naapertorlugit aningaasaleeriaatsinut tallimaasunut tunngatillugu tunngaviit pingarnerit takussutissiami 1-imi takutinneqartutut eqikkarneqarsinnaapput.

Takussutissiaq 1. Aningaasaleeriaatsini tallimaasuni tunngaviit pingarnerit

Aningaasartuuteqarsinnaalluniluu nniit isertitaqartoqarsinnaava?	Aningasaliissutit missingersersuusiani sorlerniippat?
Aningaasartuuti t	Isertitat
Ingerlatsinermut ningaasaliissutit	aap aap*)

Aningaliissutit inatsisiti-gut pisussaaffigisat	aap	naamik	aap	naamik
Tapiissutinut aninkaasaliissutit	Aap	naamik	aap	naamik
Sanaartugassanut aninkaasasiissutit	aap	naamik	aap	naamik
Isertitanut aninkaasasiissutit	naamik	aap	naamik	Aap

Nassuaat: *) Taamaallaat isertitat aninkaasaliissummi ingerlatatumut toqqaannartumik attuumassutilit, assersuutigalugu isertitat suliffeqarfiup ingerlanneqarneranut toqqaannartumik attuumassutilit.

§ 15-imut

Aalajangersakkami aalajangersarneqarput ingerlatsinermut aninkaasaliissummut atatillugu aningaasanik atuinissanut malittarisassat. Ingerlatsinermut aninkaasaliissut ingerlatsivimmi allaffeqarfimmiluunniit aninkaasaliissummut ilaasumi ingerlatsinermut ilanngaaseereerluni aningaasartuuteqarnissamut sinaakkusiussatut aningaasaliissutaapput. Taamaalilluni imatut paasineqassaaq ingerlatsinermut aningaasaliissutip ataani ingerlatsiviup ingerlataqarneranut atatillugu isertitaqartoqarsinnaasoq, tamatumalu kingunerisarpaa aningaasaliissutit aningaasartaasa aningaasartuutit tamarmiusut katinnerininit ikinnerusinnaasarnerat. Kisiannili ingerlatsiviup missingersersuusianik immikkoortiterinerani aningaasartuutit isertitallu ilanngaasernagit ilan-ngunneqartartussaapput. Aammattaaq aalajangersakkap kingunerisaanik ingerlatsiviit imminnut assingusut arlallit ingerlatsinermut aningaasaliissutinut ilaasarsinnaapput. Tamanna aningaasanut inatsimmi aningaasaliissutit aningaasartakitsuaqqat amerlasuut pinaveersimatinneqarnissaat eqqarsaatigalugu pitsasuusinnaavooq.

Aammattaaq aalajangersakkami ilanngullugu aalajangersarneqarpoq aningaasaleeriaatsini taamaattuniinnaq akissarsianut aningaasartuuteqartoqarsinnaasoq. Aamma ingerlatsinermut aningaaliissutitigut ingerlaavartumik aserfallatsaaliiernut il. il. atatillugu annikitsunik sanaartornermut aningaasartuuteqartoqarsinnaaneranut periarfissiisoqarpoq. Missingersersuusiornermut malittarisassani maleruagassani aserfallatsaaliiernut pilersaarusiati sanaartugassanullu pilersaarusiati immikoortinnerat aalajangersarneqarpoq. Pilersaarusiati annertunerusut - pilersaarusiaq ingerlatsinermut ani-ngaasaliissutinut ilaagaluuraangalluunniit - immikkut sanaartugassanut aningaasaliissuteqartoqarnissaanik

piumasaqaateqarfiupput.

Aammattaaq aalajangersakkami Aningaasaqarnermut Naalakkersuisoq ingerlatsinermut aningaasaliissuteqartarnernut atatillugu ileqqaaruteqartarnissamik aaqqissuussisarnissanut maleruagassanik suliaqarnissaminut piginnaatinneqarpoq. Ileqqaaruteqartarnissamik aaqqissuussineq ingerlatsiviit - sinaakkusiussat erseqqinnerusumik aalajangersakkat iluanni - ukiup aningaasanut inatsisip atuuffiata siuliani atuinikinnerunermikkut assersuutigalugu nutaanik annertuunik pisinissaminnut aserfallatsaaliinissaminnulluunniit ileqqaaruteqarnissaminnut periarfissinneqarnissaannut aqqtissiuussisinnaavoq.

Aammattaaq Aningaasaqarnermut Naalakkersuisoq namminersortitatut suliffeqarfeqarneq isertitanillu matussusertakkanik suliffeqarfeqarneq pillugit maleruagassanik immikkut aalajangersaasinnaavoq.

§ 16-imut

Aalajangersakkami aningaasaliissutit inatsisitigut pisussaaffigisat atorneqartarnissaannut maleruagassat aalajangersarneqarput. Aningaasaliissutit inatsisitigut pisussaaffigisat taamaallaat atorneqarsinnaapput aningaasartuutit pisartagarineqartussanut inatsisit immikkut ittut tunngavigalugit pisartagaqarsinnaasunut aalajangersimasunut tunngassuteqaraangata aammalu pisartagarineqartussat angissusissaat naatsorsorneqarternerinluunniit tunngavissat immikkut inatsisiornikkut aalajangersarneqarsimagaangata.

Inatsisitigut pisussaaffittut aningaasartuutaasartussaammata aningaasaliissutit amerlassusii aningaasanut inatsimmi inaarutaasumik aningaasartuutinut aalajangiisuunatik inatsit attuumassuteqartoq tunngavigalugu pisartagaritinneqartutut tunniunneqartartut amerlassusii aalajangiisuusarput. Taamaammat aningaasanut inatsimmi aningaasaliissutit inatsisitigut pisussaaffigisat ukumi aningaasanut inatsisip atuuffiani aningaasartuutaajumaartunik missingiinertut ilaasarput. Tamatuma peqatigitillugu kingunerisarpaa aningaasaliissutinut naleqqiullugu aningaasartuutit amerlanerussutaasa ikinnerussutaasaluunniit ilassutit aningaasaliissutinut inatsimmut ilanngunneqaratik naatsorsuutitigut nassuaatitalerlugit naatsorsuutinut ilanngunneqartarerat, ilanngullugu takuuk § 27.

Aningaasanut inatsimmi aningaasartuutissanik missingiisinerit sapinngisamik eqqortuitinniarnissaat qulakkeerniarneqartassaaq. Taamaammat aalajangersakkami ersersinneqarpoq aningaasanut inatsisisstatut siunnersuutip saqqummiunneqarneranut

atatillugu kiisalu aningaasanut inatsisissatut siunnersummut allannguutissatut siunnersuuteqartoqarneranut atatillugu aningaasartuutissatut missinngikkat pisariaqarnerat naapertorlugu iluarsiissuserneqartassasut.

Aalajangersakkami erseqqissarneqarpoq aningaasaleeriaatsimut uunga tunngatillugu piumasaqaataasoq aningaasanut inatsimmi aningaasaliissummut aalajangersimasumut tunngatillugu nassuaatini erseqqissumik nalunaarneqarsimassasoq inatsit suna tunngavigalugu aningaasartuuteqartoqarnersoq, pisartagaritinneqartut qanoq annertussuseqarnersut, ingerlatassatut naatsorsuutigisat qanoq ittuunersut il. il. Ukiup ingerlanerani annertuunik nikingassuteqartoqarsinnaanera aningaasartuutinik ingerlaavartumik nakkutillinermi ilaatinneqartassaaq, takuuk § 30.

§ 17-imut

Aalajangersakkami aalajangersarneqarpoq aningaasartuutit allat tapiissutit ilusillit tapiissutissatut aningaasaliissutit nalunaarsorneqartassasut. Aningaasartuutit pinngitsooratik tapiissutit iluseqartariaqanngillat, assersuutigalugu tassaasinnaallutik suliffeqarfinnut aningaasaliissuteqarnerit kingunerisaannik, aningaasartuutit, ernianut aningaasartuutit, ernianut tapiissutit, inuussutissarsiutinut tapiissutit, sillimmatit, nalikilliliinerit, aningaasanik attartortitsinerit. Aningaasanut attartukkanut Namminersornerullutik Oqartussanut taarsiissutit isertitanut aningaasaliissutinut ilanngunneqartassapput.

Aningaasaliissutit aningaasanik atuinissanut maleruagassat nalinginnaasut Missingersersuusiornermut Malittarisassani aalajangersarneqartut immikkut ittumik sanioqqunneqarsinnaanerinik imaqanngillat.

§ 18-imut

Aalajangersagaq sanaartugassanut aningaasaliissutinik atuinissanut maleruagassanut tunngassuteqarpoq. Aningaasaleeriaaseq illuutinik suikkaasunik pisinerni, sanaartorluni tunisassiorernut, sanaartorniartunut aningaasanik attartortitsinernut, kommunit sanaartortitsinissaannut iluarsaassisitsinissaannut aningaasanik tapiissuteqarfiginerinut il. il. atorneqartarpoq.

Aallaaviusoq tassaavoq aningaasanut inatsimmi sanaartugassanut aningaasaliissutit tamarmik immikkut sanaartugassanut pilersaarusiak ataatsimik imaqarnissaat. Kisiannili immikkut ittunik pissutissaqartillugu sanaartugassanut aningaasaliissutit ataatsit iluanni

sanaartugassanut pilersaarusiati arlallit ilanngunneqarsinnaapput. Tamanna sanaartugassanut pilersaarusiati annikitsut arlaqartillugit pitsasuuusinnaasarloq.

Aningaasanut inatsimmi sanaartugassanut aningaasaliissutini aningaasartuutissatut nalunaarneqartoq ukiumi aningaasanut inatsisip atuuffiani aningaasartuutissat amerlassusissaattut missingiineq tunngavigalugu ilanngussaasarpoq. Ukiuni tullerni aningaasartuutinut ikileriaatitut aningaasartuutissat ukiunut pilersaarusiap suliarineqarnerata sivisussusissaatut naatsorsuutigineqartunut ataasiakkaanut agguataarneqartassapput.

Assersuutigalugu sanaartugassanut pilersaarusiqaq ukiuni sisamani ingerlanneqartussatut naatsorsuutigineqarpat missingersersuusiornerani aningaasartuutissat ukiuni sisamani taakkunani ukiut tamaasa ikileriaatissaat (ukiumi aningaasanut inatsisip atuuffiani 1 kiisalu ukiuni missingiusiorfinni tullerni 3) naatsorsuutigineqassapput. Taamaalillutik ukiumi aningaasanut inatsisip atuuffiani ukiunilu missingiusiorfinni tullerni pingasuni sanaartugasanut aningaasaliissutini aningaasartuutit aningaasartuutissatut tamarmiusussatut aningaasaliissutigineqartutut annertussuseqassapput. Sanaartugassanut pilersaarusiqaq ukiut sisamat sinnerlugit sivisussuseqassappat pilersaarusiap nassuaatitaani oqaatigineqassaaq sanaartugassanut aningaasartuutissat ilaat qanoq amerlatigisut ukiut sisamat qaangiutereernerini aningaasartuutigilersaarneqarnersut.

Aningaasaliissutit ataasiakkaat nassuaatitaanni (missingersersuusianut ilaaitani) pilersaarusiqaq, pilersaarusiap qanoq sivisutigisumik ingerlanneqarnissaanik naatsorsuutigisaq kiisalu pilersaarusiap tamakkiisumik aningaasartuutitassaa nassuarneqassapput. Pilersaarusiap tamakkiisumik ani-ngaasartuutitassaa tassaavoq aningaasatigut sinaakkutissa, taamaalillunilu tassaassalluni aningaasaliissuteqarnermi sinaakkutissaq Naalakkersuisunut ilaasortap attuumassuteqartup pilersaarusiap naammassiniarnerani aningaasatigut killigisassaa. Tamakkiisumik aningaasartuutissanut naleqqiullugu nikingassuteqarpat ilassutitut aningaasaliisoqartussaavoq.

Sanaartugassanut aningaasaliissutip iluani sanaartugassanut pilersaarusiqaq aningaasanut inatsimmi akuersissutigineqartarpooq. Aningaasanut inatsisissatut siunnersuutip saqqumiunneqarnerani ani-ngaasanut inatsisissatut siunnersummut nassuaatit sanaartugassanut pilersaarusiyanut nutaanut nalunaarsuusianik imaqtartarpuit, takukkit § 13-imut nassuaatit. Sanaartugassanut pilersaarusiqaq piffissakilliorneq pissutigalugu aningaasanut inatsisissatut siunnersummut ilanngunneqarsinnaanngikkaangat sanaartugassanut aningaasaliissutissanik pilersaarusiayut tunngatillugu aningaasartuutigineqartussatut aningaasartuutillu ikiliartutissaattut naatsorsuutigineqartunik imalinnik immikkoortitsisoqarsinnaavoq. Kisiannili sanaartugassanut pilersaarusiqaq aatsaat

aninkaasanut inatsisissatut siunnersuummut allannguutissatut siunnersuut tunngavigalugu imaluunniit ukiup ingerlanerani Inatsisartut Aningaasaqarnermut Ataatsimiititaliaannut saqqummiussineq tunngavigalugu aallartitinneqarsinnaavoq.

Ilanngullugu erseqqissarneqarpoq sanaartugassanut pilersaarusiap kingunerisaanik ingerlatsinermut sanaartornermullu aningaasartuutissat tamarmik pilersaarusiap nassuaatitaani nassuiarneqartassasut.

Sanaartugassanut pilersaarusiaq akuersissutigineqareeraangat sanaartugassanut aningaasaliissutit ukiumi aningaasanut inatsisip atuuffiani aningaasartuutissat Sanaartugassanut Iluarsagassanullu Aningaasaateqarfimmut nuunneqarsinnaapput. Ukiuni tullerni aningaasartuutissat aatsaat ukiumi aningaasanut inatsisip atuuffiani aningaasartuutissatut missingersersuusiorneqarfimminti Sanaartugassanut Iluarsagassanullu Aningaasaateqarfimmut nuunneqarsinnaapput, takuuk aningaasat ikiliar-tornissaannut naatsorsuutigisap nassuiarnera.

§ 19-mut

Aalajangersagaq isertitassanut aningaasaliissutinik atuinissamut maleruagassanut tunngassuteqarpoq. Aningaasaliissutit Nunatta Karsiani isertitanut atatillugu atorneqartarput, tassaallutillu naalagaaffiup Namminersornerullutik Oqartussanut tapiissutai kiisalu akileraarutiitigut akitsuutitigullu isertitat. Aammattaaq isertitanut aningaasaliissutit iluanaarutinit pissarsianut, aningaasanik Nunatta Karsianit attartukkanik taarsiinernut, naliliutinik sanaartugaatinillu tunisaqarnernut il. il. tunngatillugu atorneqartarput. Taamaallaat isertitanut aningaasaliissutit aningaasanut inatsimmi isertitanut missingersersuusiani ilaatinneqarsinnaapput.

§ 20-mut

Aalajangersakkami Aningaasaqarnermut Naalakkersuisoq aningaasanut inatsimmi aningaasaliissutit atorneqarnissaannut nalinginnaasunik maleruagassiornissaminut piginnaatinneqarpoq. Atuinissamut maleruagassat aalajangersimasut eqqarsaatigalugit aalajangersakkatigut tunngavissaat Missi-ngersersuusiornermut Malittarisassani aalajangersarneqartassapput, takuuk § 33.

§ 21-mut

Sanaartugassanut tunngasut aqunneqarnerat nukittorsarniarlugu Sanaartugassanut

Iluarsagassanullu Aningaasaateqarfik pilersinneqassaaq. Sanaartugassanut iluarsagassanullu Aningaasaateqarfiup pilersinneqarneratigut sanaartornerit sivisussusiisa nikinnerisa kingunerisaannik ukiut aningaasanut inatsisit atuuffiisa akornini akiliuteqartarnerit nikinneri Aningaasaateqarfimmi nalimmassarneqartalissapput, taamaalillutilu aningaasanut inatsisisstatut siunnersuutip aningaasanulluunniit inatsisip ilassutitut aningaasaliissutinut inatsimmut atatillugu aaqqissuussinernut tunngasunik iluarsiissuteqartariaqartarnerni amerlasuunik kinguneqartariaarutissallutik.

Aammattaaq Aningaasaateqarfik aqqutigalugu sanaartugassanut tunngasut pisariitsumik paasiuminartumillu aningaasatigut aqunneqarsinnaalissapput, ilaatigut sanaartugassanut tunngatillugu ani-ngaasaliissuteqaqqittarnermik periutsip maanna atuuttup atorunnaarsinneqarnerata kingunerisaanik. Peqatigitillugu anguniagaavoq Aningaasaateqarfiup sabinngisamik qulakkeerniartassagaa Namminersornerullutik Oqartussat sanaartornikkut ingerlataasa sanaartornermik ingerlataqarfinni pisinnaasanut naapertuuttunngorsarneqartarnissaat.

Sanaartugassanut iluarsagassanullu Aningaasaateqarfik taamaallaat missingersersuusiornikkut naatsorsuuserinikkullu aningaasaateqarfiuvoq, Nunattalu karsianut ilaalluni. Tassa imaappoq Ani-ngaasaateqarfik pingaarutilinni tamani Nunatta Karsianut assigiisinneqarsinnaasoq aammalu Ani-ngaasaateqarfiup aningaasaatai Nunatta Karsiata aningaasaataanut ilaallutik. Aamma imaappoq ernianit isertitat ernianullu aningaasartuutit il. il. Nunatta Karsianut nakkartinneqartartussaasut kiisalu Nunatta Karsiata ernianut aningaasartuutaasa ernianillu isertitaasa sinnerinut ilanngullutik nalunaarsorneqartassasut. Aningaasaateqarfik pineqartoq taamaallaat missingersersuusiornikkut naatsorsuuserinikkullu aningaasaateqarfiummat Sanaartugassanut iluarsagassanullu Aningaasaateqarfiup siulersuisussaanik pilersitsisoqartussaanngilaq, takuuk § 23.

Aningaasanut inatsimmi sanaartugassanut aningaasaliissutit iluanni aningaasartuutissat Aningaasaateqarfimmut nuunneqartartussaapput, taamaalillutilu Aningaasaateqarfiup isertitaatut nalunaarsorneqassallutik. Aningaasaateqarfiup aningaasartuutai tassaassapput sanaartugassanut pilersaarusat naammassiartuaarneri ilutigalugit akiliutigineqartartut nalingi. Aningaasartuutit Sanaartugassanut iluarsagassanullu Aningaasaateqarfimmi naatsorsuutinut ilanngunneqartassapput. Sanaartornerit sivisussusiisa nikinnerisa kingunerisaannik akiliutit nikinneri Aningaasaateqarfimmi nalimmassarneqartassapput.

Sanaartugassanut pilersaarusat taamaatinneqarnerisa kingunerisaannik aningaasartuutikinnerussutit imaluunniit sanaartugassanut pilersaarusiani ataasiakkaani

aninkaasartutikinnerussutit allat pilersaarusaq naammassereeraangat Nunatta Karsianut utertinneqartassapput. Taamatut aningaasanik utertitsinerit Sanaartugassanut lluarsagassanullu Aningaasaateqarfimmi aningaasartutitut allassimasartussaassapput kiisalu aningaasanut inatsimmi ilassutitulluunniit aningaasaliissutinut inatsimmi isertitatut allassimasartussaassallutik.

Pilersaarusanut ataasiakkaanut tamakkiisumik aningaasartutissatut aningaasaliissutigineqartut sinnerneqaqqusaanngillat.

§ 22-mut

Aalajangersakkami Aningaasaqarnermut Naalakkersuisoq Aningaasaateqarfiup missingersersersuusiortarnissaanut aningaasaliissuteqarfigineqartarnissaanullu erseqqinnerusunik maleruagassiornissaminut piginnaatinneqarpoq, tassunga ilanngullugu naatsorsuutit pillugit nalunaaruteqartarnissaq.

§ 23-mut

Aalajangersakkami aalajangersarneqarpoq Aningaasaateqarfiup allaffissornikkut ataavartumik ingerlanneqarnera Naalakkersuisunut ilaasortamit sanaartornermut tunngassuteqartunut akisussaasumit oqartussaaffigineqartoq.

§ 24-mut

Aalajangersakkami aalajangersarneqarpoq Naalakkersuisut Sanaartugassanut lluarsagassanullu Aningaasaateqarfiup ingerlatai pillugit ukiumoortumik nassuaasiortassasut. Nassuaammi ilan-ngunneqartassapput pilersaarusat ataasiakkaat killiffii pillugit naatsorsuusiat aningaasartutinik isertitanillu naatsorsuutinut ilanngunneqarsimasunik ilallit. Ilanngullugu takuneqarsinnaassaaq pilersaarusat ilaat sorliit nutaatut aallartitinneqarsimanersut, suut ingerlanneqarnersut, suut naam-massineqarsimanersut suullu taamaatinneqarsimanersut.

§ 25-mut

Aalajangersakkami aalajangersarneqarpoq ukiup aningaasanut inatsisip atuuffiata ingerlanerani, t.i. aningaasanut inatsisip akuersissutigineqarnerata kingorna, nutaanik aningaasaliissuteqarnissamut oqaasertaliussaqarnissamullu imaluunniit aningaasaliissutinik

oqaasertaliussanillu allanngortitsinissamut piumasaqaataasoq Inatsisartut
Aningaasaqarnermut Ataatsimiitaliaat Inatsisartut sinnerlugit
akuersissuteqaqqarsimassasoq. Aalajangersakkakut erseqqissarneqarpoq
aningaasartuutit, isertitat oqaasertaliussalluunniit aningaasanut inatsimmi
tunngavissaatinneqartunut naleqqiullugu allaanerusut *sioqqutsisumik*
akuersissuteqartoqareersimatinnagu atorneqarsinnaanngitsut.

Peqatigitillugu aalajangersarneqarpoq Inatsisartut Aningaasaqarnermut Ataatsimiitaliaat tassaasoq ukiup aningaasanut inatsisip atuuffiata ingerlanerani aningaasaliissuteqartoqarnissaanik qinnuteqaatinik tamanik isummerfiginnittartussaq. Taamaalilluni tunngavissaatinneqarpoq Inatsisartut Aningaasaqarnermut Ataatsimiitaliaat Inatsisartut ataatsimiinnerisa nalaanni aningaasaliissuteqartoqarnissaanik qinnuteqaatit aalajangiiffigisarnissaannut periarfissaqalissasoq. Tamatumunnga atatillugu maluginiarneqassaaq inatsisissatut siunnersuummi ilassutitut aningaasaliissutinut inatsimmut tunngatillugu ilassutitut aningaasaliissutinut inatsit ukiup aningaasanut inatsisip atuuffiata naanerata kingorna akuersissutigineqartartussanngorlugu periuserineqartumik allannguisoqarnissaanik siunnersuuteqartoqarnera. Peqatigitillugu nutaanik aningaasaliisoqarnissaanik aningaasaliissutinilluunniit allannguisoqarnissaanik suliassat Inatsisartut ataatsimiinnerisa naalerneranni aatsaat ullormi Inatsisartut ataatsimiiffianni kingullermi ilassutitut aningaasaliissutinut inatsimmi akuersissutigineqartussaanertik pissutigalugu katersutiinnartarneri pinngitsoortinneqarsinnaanngussapput. Periusissatut siunnersuutigineqartoq nutaanik aningaasaliissuteqartoqarnissaanik aningaasaliissutinilluunniit allanngortitsisoqarnissaanik qinnuteqaatit ingerlaavartumik peqqissaartumillu suliarineqartalernissaanut periarfissanik pitsaanerusunik ammaassisaaq.

Suliassat ilaqtarsinnaapput Inatsisartut Aningaasaqarnermut Ataatsimiitaliaata arlaannik pissuteqarluni isummerfigisinnaanagilluunniit isummerfigiumanngisaanik, assersuutigalugu suliaq pineqartoq tunngaviusumik suliassaappat imaluunnit annertuunik aningaasartaqpat imaluunniit Inatsisartut Aningaasaqarnermut Ataatsimiitaliaata Inatsisartut suliamut tunngatillugu qanoq isumaqarnerat nalornissutigippassuk. Taamaammat Inatsisartut Aningaasaqarnermut Ataatsimiitaliaata immikkut ittunik pissutissaqartillugu suliamik Inatsisartunut innersuussisinnaanissaanut periarfissamik ammaassisooqarpoq. Tamatuma ulluinnarni kingunerisartussaassavaa suliap Inatsisartut ataatsimiinneranni tullermi aatsaat isummerfigineqarsinnaanissaa.

§ 26

Aalajangersakkami aalajangersarneqarpoq ukiup aningaasanut inatsisip atuuffiata

ingerlanerani nutaamik aningaasaliissutigineqartut oqaasertaliussatullu ilanngunneqartut imaluunniit aningaasaliissutit oqaasertaliussallu allangortinneqartut aningaasaliissutigineqarnermik oqaasertaliussan-ngortinneqarnermilluunniit kingorna ilassutitut aningaasaliissutissatut inatsimmut ilanngunneqartassasut. Ilanngullugu aalajangersarneqarpoq ilassutitut aningaasaliissutinut inatsit ukiup aningaasanut inatsisip atuuffiata naanerata kingorna akuersissutigineqartassasoq, t. i. tassaasoq kingusinnerusukkut aningaasaliissuteqarnermut inatsit. Aalajangersakkap kingunerisaanik maannakkutut ingerlaavartumik ilassutitut aningaasaliissuteqartarnernik periuseq atorunnaassaaq. Tassunga taarsiullugu ukiup aningaasanut inatsisip atuuffiata naanerata kingorna ilassutitut aningaasaliissutinut inatsit ataaseq, aningaasanik atuinernik Inatsisartut Aningaasaqarnermut Ataatsimiititaliaannit akuersissutigineqareersimasunik katersiviusoq, saqqummiunneqarlunilu akuersissutigineqartassaaq.

Allannguinermut pissutaavoq ingerlaavartunik ilassutitut aningaasaliissutinut inatsiseqartarnermik maanna periuserineqartup Namminersornerullutik Oqartussat aningaasaliissutaasa tamarmiusut aqunneqarnerannut naleqqiullugu pitsaanngitsumik ingerlalersimanera. Pingaartumik aningaasanut inatsisip akuersissutigineqarnerata kingunitsiannguatigut ilassutitut aningaasaliissutinik pissarsisinnaanermut periarfissaqarnera pissutigalugu aningaasanut inatsisip aallunneqarnera annikinneruler-tarpoq. Tamatuma kingunipilugisinnaavaa aningaasanut inatsisip aningaasat tamakkiisumik tulleriinnilersornerannut tunngavigineqarsinnaannginnera, akerlianillu aatsaat suliassat takkussorneri ilutigalugit tulleriinnilersuisoqartarnera: Suliad ataasiakkaat aaqqiivigineqartarlutik, kisiannili aningaasaqarniarnikkut ingerlatsinikkut annertunerusumik ataqtigiissaagaanngitsumik. Tamatuma kingunerisinnaasaa sanioqqunneqarsinnaanngitsoq tassaavoq aningaasartuutit naalakkersuinikkut kissaatigineqaqqissaanngikkaluamik qaffakkiartoruusaalernerat. Peqatigitillugu aningaasartuuteqarfissatut pisariaqartitat salliutinneqartut siuarsarneqarnissaat qulakkeersimaneqanngilaq. Kiisalu aamma maanna periususoq Inatsisartut ataatsimiinnerminni aningaasaliissuteqartoqarnissaanik qinnuteqaatinut taarsiullugu aningaasanut inatsimmi ilaareersimasariaqaraluartunut amerlasuunut isummersortariaqartarnerannut ilapittuutaavoq.

Ukiup aningaasanut inatsisip atuuffiata naanerata kingorna ataatsimik ilassutitut aingaasanut inatsiseqartarnissamik periusissatut siunnersuutigineqartumi - aalajangersakkanik assigiinngitsunik allanik ilaqtumi, takukkit §-it 27 - 29 - anguniagaavoq aningaasanut inatsisip suliarineqartarnerata annertunerusumik aallunneqartarnissaa, taamaalilluni ukiumut ataasiarluni ataatsimoortumik aningaasarsiornikkut tulleriinnilersuisoqartarlersinnaaqquullugu. Ingerlaavartumik ilassutitut ani-

ngaasaliissuteqartoqartarsinnaaneranut periarfissat annikillineqarnerisigut aningaasanik missingersersusuortarnikkut malinneqqissaarneruniarneq kiisalu aningaasartuutissat tamakkerluginit aningaasanut inatsimmut ilanngunneqartarnissaannut piumassuseqarnerulernissaq annertusineqarsinnaapput. Tamanna Namminersornerullutik Oqartussani aningaasanik tamarmiusunik atorluaanerulernermut aqqtissiuusseqataassaaq.

§ 27

Aalajangersakkami aalajangersarneqarpoq aningaasaliissutini inatsisitigut pisussaaffigisani ani-ngaasartuuteqarnerussutit aningaasartuutikinnerussutilluunniit aatsaat nutaamik inatsisiliortoqarneranik inatsimmilluunniit allannguisoqarneranik pissuteqaraangamik ilassutitut aningaasaliissutissatut siunnersummut ilanngunneqartassasut. Tamatumunnga tunuliaquataavoq aningaasanut inatsimmi aningaasaliissutit inatsisitigut pisussaaffigisat aningaasartuutit immikkut inatsisini aalaja-ngersaavagineqarsimaneri pissutigalugit taamaallaat *missingikkanut* takussutissaanerat. Tamanna assersuutigalugu pensionisianut aningaasartuutinut, aningaasanut inatsimmi aningaasaliissuteqartoqarsimappat aningaasaliissuteqartoqarsimanngippalluunniit apeqquaatinngu pensionisiaqarsinnaatitaasunut tamanut aalajangersimasunik aningaasartalerluginit pisartagaritinneqartussanut, atuuppoq. Taamaalillutik aningaasaliissutinut inatsisitigut pisussaaffigisanut aningaasartuuteqarnerussutit aningaasartuutikinnerussutilluunniit ingerlaannartumik atorneqarsinnaapput, ilassutitullu aningaasaliissuteqartoqarnissaa pisariaqarnani.

Aalajangersakkap ilaatigut kinguneraa ilassutitut aningaasaliissutinut inatsisip naatsorsuutinut eqqukannersunut takussutissaajunnaarluni *atingaasaliissutit* allannguuterpiarisaannut taamaallaat takussutissaalerner. *Atingaasaliissutinut* naleqqiullugu aningaasartuuteqarnerussutit aningaasartuutikinnerussutilluunniit suliarineqartarneri naatsorsuutit pillugit inatsimmi aalajangersaavagineqartartussaapput.

§ 28-mut

Aalajangersakkami erseqqinnerusumik aalajangersarneqarput nutaanik aningaasaliissuteqartoqarnissaanik aningaasaliissutinilluunniit allangortitsisoqarnissaanik qinnuteqaatit Inatsisartut Ani-ngaasaqarnermut Ataatsimiititaliaannut saqqummiunneqartarnissaannut piumasaqaatit. Aalajangersakkami ilanngullugu qulakkeerniarneqarpoq tamakkuninnga qinnuteqaatit sapinngisamik killilersi-

maarneqarnissaat.

Nutaanik aningaasaliissuteqartoqarnissaanik oqaasertaliussaqartoqarnissaanilluunniit imaluunniit aningaasaliissutinik oqaasertaloiuissanilluunniit allangortitsisoqarnissaanik qinnuteqaatit *siullertut* Aningaasaqarnermut Naalakkersuisumit Naalakkersuisut sinnerlugit Inatsisartut Aningaasaqarnermut Ataatsimiititaliaannut saqqummiunneqartassapput. Tamanna assersuutigalugu pisinnaavoq malitsigitatut allakkat Aningaasaqarnermut Naalakkersuisuit atsiukkat atorlugit. Aalajangersakkakut ilaatigut anguniarneqarpoq qinnuteqaatip tamakkiisuunerata piumasaqaatitullu aalajangersakkat eqquutsillugit suliarineqarsimanissaata qulakteernissaa, t. i. pitsaassusissaata qulakteernissaa. Peqatigitillugu taamaaliornikkut anguneqarsinnaavoq Inatsisartut Aningaasaqarnermut Ataatsimiititaliaata suliap naammattumik qulaajaavagineqarsimanissaanik qulakteerinerunissaa.

Aalajangersakkami *aappaatut* aalajangersarneqarpoq nutaanik aningaasaliissuteqartoqarnissaanik aningaasaliissutinilluunniit allangortitsisoqarnissaanik qinnuteqaatit taamaallaat aningaasaqarnikkut iliuusissanut *pingaarutilinnut* aammalu aningaasanut inatsisissap suloiarinerani *sillimaffigereerneqarsinnaasimanngitsunut* tunngasuusassasut. Tassa aningaasaliinissamik pisariaqartitsineq tassanngaannartumik pilersimasuussaaq peqatigitillugulu arlaatigut pinngaaruteqartuussalluni. Aningaasanut inatsisissap suliarinerani puiguinerit taamaaqataalluunniit pissutigalugit aningaasaliinissanik pisariaqartitsilfersimanerit imaluunniit nutaanik aningaasaliissuteqartoqarnissaanik kissaatit ukiumi tullermi aningaasanut inatsisissamut utaqqinnejqarsinnaasut maleruagassatut pingaarnertut ukiup aningaasanut inatsisip atuuffiata ingerlanerani Inatsisartut Aningaasaqarnermut Ataatsimiititaliaannut qinnuteqaataasinjaasariaqanngillat.

Aalajangersakkami *ilanngullugu* aalajangersarneqarpoq nutaanik aningaasaliissuteqartoqarnissaanik aningaasaliissutinilluunniit allangortitsisoqarnissaanik qinnuteqaatit taamaallaat aningaasaqarnikkut iliuusissanut ukiup aningaasanut inatsisip atuuffiata ingerlanerani aningaasartuuteqarnikkut sunniuteqartussanut tunngasuusassasut. Taamaalilluni Aningaasaqarnermut Ataatsimiititaliap taamaallaat ukiup aningaasanut inatsisip atuuffiata ingerlanerani kingunerisassaat isummerfigisinnaavai, ukiunilu tullerni aningaasatigut kingunereratarsinnaasaat aningaasanut inatsisissami tullermi ilanngunneqartussaassallutik.

Aalajangersakkamili peqatigitillugu aalajangersarneqarpoq Inatsisartut Aningaasaqarnermut Ataatsimiititaliaannut qinnuteqaammi qinnuteqaatip aningaasaqarnikkut toqqaannartumik toqqaannan-ngitsumilluunniit kingunerisassai tamakkerlugit nassuiarneqassasut,

taakkununngalu ilaapput ukiuni tullerni sunniutigisinnaasaasa kingunereratarsinnaasaasa nassuiarneqarnissaat. Taakkuli Inatsisartut Aningaasaqarnermut Ataatsimiititaliaata isummerfigisinnaanngilai.

Kiisalu aamma aalajangersakkami aalajangersarneqarpoq Aningaasaqarnermut Naalakkersuisoq nutaanik aningaasaliissuteqartoqarnissaanik aningaasaliissutinilluunniit allanngortitsisoqarnissaanik qinnuteqaatit suliarineqartarnissaat pillugu erseqqinnerusunik aalajangersaasassasoq.

§ 29-mut

Aalajangersakkami ilassutitut aningaasaliissutinut inasistsip imarisassai aalajangersagaliunneqarput. Aningaasanut inatsisituulli ilassutitut aningaasaliissutinut inatsit ilusilersorneqassaaq inatsisip oqaasertai nassuaatitallit atorlugit. Ilassutitut aningaasaliissutinut inatsit aqqissuunneqassaaq aningaasanut inatsimmut allannguutitalerlugu. Tunngavissaatinneqarpoq Aningaasaqarnermut Naalakkersuisoq Missingersersuusianut Malittarisassani ilassutitut aningaasaliissutinut inatsisip suliarineqartarnissaanut aalajangersagaliortassasoq, takuuk § 33.

§ 30-mut

Aalajangersakkami Naalakkersuisut Inatsisartut aningaasaqarnikkut tamakkiisumik tulleriinnilersuinerata eqquutsinneqarnissaa qulakkeerniarlugu aningaasartuutinik isertitanillu ingerlaavartumik nakutilliinissaminntu pisussaaffilerneqarput.

Nakkutilliinissap siunertaa marlunnik sammiveqarpoq. Siullertut isertitat aningaasartuutilu ani-ngaasanut inatsimmi tunngavissaatinneqartut naapertorlugit nikerarneri tassuunakkut qulakkeerneqassapput, taamaalluni Nunatta Karsiata aningaasaqarnera naammaginartumik ingerlanerliornernillu tupatsitsiffiusarnani ineriertuaannaqqullugu. Tassunga atatillugu tunngavissaatinneqarpoq Naalakkersuisut, taamatullu aamma Naalakkersuisunut ilaasortat ataasiakkaat, iliuuseqarnissaminntu pisussaaffilerneqartut, t. i. immikkoortumi aningaasartuutit tunngavissaatinneqartunut naleqqiullugu amerlanerussappata matussutissanik ileqqaaruteqartoqarnissaa anguniarlugu iliuuseqassat. Taamatut aningaasartuutinik ingerlaavartumik nakkutiginninneq aningaasaliissutit amerlissutissaannik qinnuteqaatit amerlassusiinut sapinngisamik killilfersimaariniaqataasussaavoq peqatigitillugulu aningaasaliissutit naatsorsuutilu sapinngisamik annertunerpaamik imminntu naapertuuttuunissaat qulakkeersimaniassallugu.

Aappaatut aningaasartuutinik isertitanillu nakkutilliineq paasissutissanik pissarsiniarnermi ilapittuutaassaaq, taamaalillutik Naalakkersuisut, Inatsisartut innuttaasullu Namminersornerullutik Oqartussat aningaasaqarnerat tamakkiisumik malinnaaffigisinnaaniassammassuk, taamaalillutillu paasissutissat ilaatigut aningaasartuutinik tamarmiusunik tulleriinnilersuinermi aamma tunngavigineqarsinnaassallutik.

§ 31-mut

Aalajangersakkami aalajangersarneqarpoq Naalakkersuisut Namminersornerullutik Oqartussat aningaasartuutaasa isertitaasalu nikerarneri pillugit paasissutissanik pissarsiniartarneq ingerlatitseqqittarnerlu pisussaaffigigaat, taakkununnga ilanngullugit aningaasanut inatsisip tunngavilersuutitai.

Naalakkersuisut tamanna pillugu ilisimatitsisummik Inatsisartut upernaakkut ataatsimiinneranni kiisalu ukiakkut ataatsimiinneranni saqqummiussisassapput.

Inatsisartut upernaakkut ataatsimiinneranni ukiumut siulanut ilassutitut aningaasaliissutissanut siunnersuut, ukiumut siulanut naatsorsuutit kiisalu aningaasaqarniarkkut ingerlatsineq pillugu nalunaarut saqqummiunneqartassapput. Taaneqartoq kingulleq tassaavoq Namminersornerullutik Oqartussat aningaasatigut ingerlanerat pillugu ukiumoortumik nalunaarut, isertitat aningaasartuutillu nikerarnerinut nassuaataasoq misissuinerillu inernerinik saqqummiussivusoq aammalu aningaasartuuteqarfinni pingaarutilinni aningaasaqarnikkut ingerlataqarnikkullu ineriantornerit pillugit misissuinerit inernerinik imalik.

Nalunaarut Namminersornerullutik Oqartussat aningaasatigut inissisimanerat pillugu paasissutissiarnerup annertusarneqarneranut ilapittuutaassaaq aammalu Namminersornerullutik Oqartussat Kalaallit Nunaannilu tamarmi aningaasarsiornikkut ineriantorneq pillugu tunngavissaqarluartumik oqallinnermut tunngavissaassalluni. Taamaalilluni nalunaaruteqartarneq Inatsisartunut ilisimatitsinermi annertunerusumik siunertaqarpoq, taamaammallu ilusiligaasariaqarluni Naalakkersuisut Inatsisartullu aningaasarsiornikkut ineriantornissaq tulleriinnilersuinissarlu pillugit isumaliutersuutaannut ilaasinnaanngorluni. Nalunaarummi ajornartorsiuteqarfiit ineriantornermilu sammiviit immikkut taasariaqartut tikkuartariaqarput. Nalunaarutip maannamut aningaasaqarniarkkut ingerlatsineq pillugu nassuaataasartut, Inatsisartut upernaakkut ataatsimiinnerini oqaluuserineqartartut, assigerluinnangajappai.

Inatsisartut ukiakkut ataatsimiinneranni ilisimatitsissuteqarnermi killiffik nassuaatigineqartassaaq, tassungalu ilanngullugit Inatsisartut ukiup aningaasanut inatsisip atuuffiata ingerlanerani aningaasaliissutit allannguutaat Aningaasaqarnermut Ataatsimiitaliaata Naalakkersuisullu akuersissutigisimasaat takussutissiorneqassallutik. Taakku saniatigut aningaasaliissutit inatsisitigut pisussaaffigisat aningaasartuuteqarfingineqarsimanerink nakkutilliinerit inernerri saqqummiunneqartassapput kiisalu isertitanut aningaasaliissutit nakkutigineqarsimanerisa inernerri saqqummiunneqartassallutik. Ilisimatitsissut ersarissumik paasuminartumillu ilusiligaasassaaq, taamaalilluni Namminersornerullutik Oqartussat aningaasatigut ingerlanerinut akisussaasunit soqtiginnittunilluunniit tamanit, taakkununngalu ilanngullugu inuiaqatigiinnit, atuarneqarsinnaallunilu atorneqarsinnaaniassammat.

§ 32-mut

Aalajangersakkami Aningaasaqarnermut Naalakkersuisoq Namminersornerullutik Oqartussani aningaasartuutinik isertitanillu nakkutiginnittarnissaq pillugu erseqqinnerusunik aalajangersagaliornissaminut pisussaaffilerneqarpoq, assersuutigalugu Missingersersuusiornermut Malittarisassani.

§ 33-mut

Aalajangersakkami Aningaasaqarnermut Naalakkersuisoq Missingersersuusiornermut Malittarisassanik suliaqarnissaminut piginnaatinneqarpoq. Missingersersuusiornermut Malittarisassat inatsit una tunngavigalugu pilersinneqarput, inatsisilerinerlu eqqarsaatigalugu kaajallaasitatut naleqarlutik.

Missingersersuusiornermut Malittarisassat maanna missingersersuusiornermut ilitsersuutaasut taarserpaat. Taaguutaata "Missingersersuusiornermut Malittarisassanut" allanngortinneqarnissaa pissusissamisoorsorineqarsimavoq, taamaaliornikkut erseqqissarumallugu Missingersersuusiornermut Malittarisassani najoqquassiit pinngitsooratik malitassaasut. Missingersersuusiornermut Malittarisassanut tapiliullugit suliarisariaqarput sulianik ingerlatsisunut ilitsersuutit arlallit, allaffissornikkut oqartussaasut apeqquut assigiinngitsut aaqqinniarnerini iluaqutiginiagassaminik aalajangersimasunik aallerfigisinnaasaat.

Missingersersuusiornermut Malittarisassat Inatsisartut Aningaasaqarnermut Ataatsimiitaliaannut kiisalu Inatsisartut Kukkunersiuinermut Ataatsimiitaliaannut ilisimatitsissutit ingerlatinneqartassapput.

§ 34-mut

Aalajangersakkap kingunerisaanik Namminersornerullutik Oqartussat missingersersuutaat pillugit Inatsisartut inatsisaat 1. januar 2001 atortuulissaaq. Ullup atortuulerfissaata aalajangerneqarnerani ukiup 2000-ip ingerlanerani allaffissornikkut aningaasanillu aqutsinikkut suleriaatsit annertungaatsiartumik allangngortiterneqarnissaat qissimigaarneqarsimavoq, aammalu ani-ngaasanut inatsisissatut siunnersuutissaq allatut ilusilerneqartussaalluni.

Aammattaaq Missingersersuusiortarnermut Malittarisassat ilitsersuutillu arlallit suliarineqartussaapput. Aningaasatigut missingersersuusiortarnerup nutarterneqarnera anguniarneqartutut Namminersornerullutik Oqartussat aningaasatigut aqutsineranut pitsangoriaataassappat nutarterinermi immikkoortut assigiinnngitsut peqqissaartumik piareersarnissaat pingaartuuvoq.

Taamaattorli aalajangersarneqarpoq § 1, imm. 2-mi aamma § 25-mi aalajangersakkat, Inatsisartut Aningaasaqarnermut Ataatsimiititaliaata oqartussaaffeqarneranut tunngassuteqartut, 1. januar 2000 atortuulissasut. Taamatuma kingunerisaanik Inatsisartut Aningaasaqarnermut Ataatsimiititaliaat 1. januar 2000-imiit ukioq kaajallallugu aningaasaliissuteqartarnissanik aalajangiisarnissaminut oqartussaaffeqlissaaq, tassalu aammattaaq Inatsisartut ataatsimiinnerisa nalaanni.

Taamatuttaaq siunnersuutigineqarpoq §-it 21, 22, aamma 23, Sanaartugassanut Iluarsagassanullu Aningaasaateqarfimmut tunngassuteqartut, 1. januar 2000 atortuulissasut. Taamaalilluni 1. januar 2000 Sanaartugassanut Iluarsagassanullu Aningaasaateqarfimmik pilersitsisoqassaaq.

Naalakkersuisut aningaasatigut missingersersuusiortarnerup nutarterneqarnerani immikkoortut taakku marluk sapinngisamik piaartumik atortuulersinneqarnissaat assut pingaartippaat, tassalu 1. januar 2000 aallarnerfigalugu.

Ukumi aningaasanut inatsisip atuuffiani 2000-imi missingersersuusiortarnermut aningaasaliissuteqartarnermullu maleruagassat maannamut atuuttut atuutissapput. Erseqqissarneqarporli ukioq 2001-imut aningaasaut inatsisissatut siunnersuut inatsimmi

matumani aalajangersakkat malillugit suliarineqassasoq.